

Salmo 51

Mi a peka, Señor, perdona mi
Pa maestro di kanto. Un salmo di David. Despues ku profeta Natan
tabata serka dje pa motibu ku ela peka ku Bat:Shèba.

51.

1. Tene piedad di mi, o Dios. Den bo bondat,
den Bo imenso kompashon kita mi falta.

2. Laba mi limpi di mi kulpa,
I purifika mi di e malu ku m' a hasi.

3. Pasoba mi sa ku mi a faya,
Mi pika ta semper mi dilanti.

4. Kontra Bo, Bo so mi a a peka
Loke ta malu den Bo bista ma hasi.

P'esei, Bo sentensia ta hustu

5. Mira, den kulpa mi a nase,
Pekador mi mama a konsebí mi

6. Ma bo ta gusta berdat, te den fondo!
Pues, inkulká den mi paden sabiduria.

7. Purifiká mi ku hisopo i mi ta puru,
Hasi mi limpi, mas blanku ku lechi.

8. Lagami tende di fiesta i legria
Pa mi wesunan kibrá por ta kontentu,

9. Kita bo bista for di mi pikánan
I mi maldatnan, kita nan tur.

10. Krea den mi un kurason, Dios, ku ta limpi,
Hinka un spiritu nobo i fiel den mi paden.

11. No tira mi leu di Bo kara,
No kita Bo spiritu santu fo'i mi.

12. Salba mi! Debolbé mi mi alegria.
Laga un spiritu generoso ta mi forsa.

13. Lo mi mustra malechornan Bo kaminda
I pekadornan lo bolbe serka Bo

14. Manchá di sanger mi ta – Dios, libra mi,
(o Dios, Abo, mi Salvador)
Anto mi lenga lo gaba Bo hustisia.

15. Señor, abri mi lepnan
I mi boka lo kanta bo alabansa.

16. Pasobra Bo n' ta gusta sakrifisio;
Si m'a kima un holokausto pa Bo,
Lo e no a kai na bo agrado.

17. Mi sakrifisio na Dios: mi kontrishon!
Un kurason kibra i repenti,
o Dios, Bo no ta despresiá.

18. Den Bo kariño hasi bon na Sion,
Bolbe lanta murayanan di Herusalem.

19. Lo bo gosa sakrifisionan legítimo,
Ofrendanan kimá henteramente;
i nan lo trese toronan yòn
Pa ofresé nan riba bo altá.